



Publicaziuns dalla vischnaunca, jamna 34

Damondas da baghegiar

2018-1034.000

Datum dalla publicaziun: 24 d'uoost 2018

Il patrun: Giger SA, Drun, 7188 Sedrun

Il representant: Huonder Bisquolm architects sa, Via da Scola 18, 7180 Disentis/Mustér

Object: Construcziun d'in niev baghetg da mistregn cun localitads d'exposiziun sin parcella 188 a Pignola, 7186 Segnas

2018-1038.000

Datum dalla publicaziun: 24 d'uoost 2018

Il patrun: Bruno Deflorin-Steger, Via Clis 25, 7180 Disentis/Mustér

Il representant: Bruno Deflorin-Steger, Via Clis 25, 7180 Disentis/Mustér

Object: Suttetg d'autos sin parcella 1452, Via Clis 27, 7180 Disentis/Mustér

2018-1041.000

Datum dalla publicaziun: 24 d'uoost 2018

Il patrun: Repower AG, Via da Clalt 307, 7742 Poschiavo

Il representant: Robert Pleisch, Büdemji 1, 7240 Küblis

Object: Construir dus novs plaz da parcar per autos mobils d'electro (staziun da cargar electromobils), parcella 653, Via Cons, 7180 Disentis/Mustér.

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser moti-vada e suttascretta dil recurrent ni da siu representant.

Disentis/Mustér, ils 21 d'uoost 2018

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 24 d'uoost 2018**, allas 2015 en casa communal.

Tractandas:

1. Protocols 12- e 13-2017/2020
2. Lescha d'agricultura: Revisiun parziala (messadi nr. 23-2017/2020)
3. Center da sport e cultura: Sanaziun complessiva Credit supplementar da planisaziun (messadi nr. 24-2017/2020)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Elecziun complementara d'in gerau ni d'ina geraua

Gerau Iso Mazzetta ha inoltrau sia demissiun sco gerau sin la fin digl onn 2018. Muort quell'abdicaziun enteifer la perioda d'uffeci 20017/2020 ha liug quest atun l'elecziun complementara d'in gerau ni d'ina geraua pil temps d'uffeci naven dils 1-1-2019 entochen ils 31-12-2020. La suprastanza communal ha, conform alla



lescha davart ils dretgs politics, fixau ils suandonts datums: L'elecziun complementara d'in gerau ha liug **dumengia, ils 25 da november 2018**. Vischinadis, partidas politics localas ni gruppas da silmeins 15 votants san proponer entochen 30 dis avon l'elecziun candidatas e candidats. Las propostas ein da far a scret e d'inoltrar entochen **gievgia, ils 25 d'october 2018** all'administraziun communal.

Suprastonza communal

Adattaziun dil scamond general da far fiug el liber dils 24-7-2018

La plievgia dils davos dis ha sluccau empau il prighel da fiug. Ord quei motiv ha la suprastonza communal decidiu d'adattar il scamond general da far fiug el liber. Naven d'immediat vegn il scamond restrenschiu sin in **scamond absolut da far fiug egl uaul ed ella vischinonza digl uaul**. Bien engraziament per Vies bien cumputament duront la perioda da grond prighel da fiug. En cass d'incendis ei adina da telefonar alla numera **118**.

Suprastonza communal Disentis/Mustér

Anpassung des generellen Feuerverbots im Freien vom 24.7.2018

Die Niederschläge der letzten Tage haben zu einer Entspannung der Gefahr von Flurbränden geführt. Aus diesem Grund hat der Gemeindevorstand entschieden, das generelle Feuerverbot im Freien anzupassen. Ab sofort wird das Verbot auf ein **absolutes Feuerverbot im Wald und in Waldesnähe** beschränkt. Im Umgang mit Feuer im Freien ist nach wie vor grosse Vorsicht angebracht. Raucherwaren und Feuerzeuge dürfen keinesfalls sorglos weggeworfen werden. Im Brandfall ist unverzüglich die Feuerwehr über die Notfallnummer **118** zu alarmieren. Die aktuelle Waldbrandgefahrenkarte kann auf der Internetseite des Kantons Graubünden www.waldbrandgefahr.gr.ch aufgerufen werden.

Gemeindevorstand Disentis/Mustér

Via Faltscharidas–Runfoppa, impediment da traffic

Muort lavurs da construcziun per slargiar il caraun dalla via alla fin dil vitg da Faltscharidas viers Runfoppa eis ei da quintar cun temps da spetga pil traffic motorisau. Il temps da spetga munta a maximalmein 30 minutas. Ils impediments serestrenschan duront la jamna naven dallas 7.00 entochen allas 18.00. Per sclariment stat il selvicultur da revier bugen a disposiziun:

tel. 081 920 36 41

Nus supplichein da prender enconuschientscha da quest avis. Bien engraziament per la capientscha. Disentis/Mustér, ils 7 d'uost 2018

Uffeci forestal Disentis/Mustér

Ludoteca Disentis/Mustér

Cun l'entschatta digl onn da scola 18/19 ei la ludoteca puspei aviarta la gievgia suentermiezdi.

Controlla da habitonts

Naschientschas

Jaron Schmed, naschiu ils 3 d'uost 2018 fegl da Daniela e Tomas Schmed
Arno Martirosyan Pfister, naschiu ils 3 d'uost 2018 fegl dad Alina e Thomas Pfister



Uniun da dunnas Disentis/Mustér

Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas.

Las sentupadas duessen plinavon era far queidas als affons da visitar pli tard la grupp da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **ils 28 d'uost 2018**

Temps: 14.30–16.00

Liug: Casa da scola Segnas, local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons

Igl aviul sco indicatur digl ambient Die Biene als Umweltindikator

Gievgia, ils 30 d'uost 2018, 20.15

Center sursilvan d'agricultura, Disentis/Mustér

Referat da Bistgaun Cathomen, apicultur a Dardin

Co stat ei culs aviuls el 21avel tschentaner? Co savein nus interpretar il citat d'Albert Einstein, *1879: «Ei igl aviul inagada svanius dalla tiara, ha il carstgaun mo aunc da viver quater onns.» Tgei pereclitescha sia existenza? Sa el survivor senza il sustegn dil carstgaun, respectiv digl apicultur? Igl aviul ei in dils pli impurtonts indicaturs digl ambient. Aviul ed ambient ein dependents entras il spazi da viver e la vivonda. Ord la vesta digl apicultur vegn Bistgaun Cathomen a declarar il connex. Bar en stalla naven dallas 19.30, Referat 20.15
Entrada libra, collecta

Controllas per apparats d'udida

Gliendisdis, ils 27 d'uost 2018 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler, e Jäggi cun signur Gfeller sorprendan comunablamein quei surveutsch gratuit per tuts interessents. Ei drova negina annunzia.

Biblioteca populara Disentis/Mustér

Temps d'avertura

Naven da **gliendisdis, ils 20 d'uost 2018** (entschatta dalla scola) ei la biblioteca puspei aviarta quater ga per jamna:

Gliendisdis 18.30–20.00

Mardis 13.30–15.00

Gievgia 16.00–17.30

Venderdis 18.30–20.00

Adatg: Muort in'occurrentza interna resta la biblioteca serrada **venderdis, ils 24 d'uost 2018**. Bugen essan nus puspei cheu per vus gliendisdis, ils 27 d'uost 2018. Nus engraziein per Vossa capientscha e selegrein sin Vossa viseta.



Öffnungszeiten

Ab **Montag, 20. August 2018** (Schulbeginn), ist die Bibliothek wieder vier Mal pro Woche geöffnet:

Montag	18.30–20.00 Uhr
Dienstag	13.30–15.00 Uhr
Donnerstag	16.00–17.30 Uhr
Freitag	18.30–20.00 Uhr

Achtung: Wegen eines internen Anlasses bleibt die Bibliothek am **Freitag, 24. August 2018**, geschlossen. Gerne sind wir wieder für Sie da am Montag, 27. August 2018. Wir danken für Ihr Verständnis und freuen uns auf Ihren Besuch.

Biblioteca popolare Disentis/Mustér

UHC Desertina Bulls

Trenaments dad unihoc per junioras e juniors el center da sport e cultura Mustér.

Juniors A (annadas 2001–2004)

naven dad immediat mintgamai mesjamna, 19.45–21.15

Juniors C (annadas 2005–2007)

naven dad immediat mintgamai gliendisdis, 18.30–20.00

Junioras C (annadas 2003–2007)

naven dad immediat mintgamai gliendisdis, 18.30–20.00

Kids (annadas 2008–2011)

mintgamai mesjamna, 18.15–19.45
Entschatta ils 12 da settember 2018

Per informaziuns pli detagliadas www.desertinabulls.ch. Cordial engraziament e salids sportivs

*Marina Lombris
actudara Desertina Bulls*
